



SLUŽBENE NOVINE

OPĆINE MAGLAJ

BROJ

5/14

Maglaj, 10.06.2014.

„Službene novine Općine Maglaj“
izdaje: Služba Općinskog načelnika i Općinskog vijeća
Općina Maglaj, Viteška bb, Maglaj
Za izdavača : JASMIN DEVEDŽIĆ
Tel.: 032/609-550; Fax: 032/609-551; E-mail: vijece@maglaj.ba

AKTI OPĆINSKOG NAČELNIKA

Na osnovu člana 29. stav 1. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj 39/03, 22/06 i 43/10) i člana 42. Statuta općine Maglaj (SL. Novine općine Maglaj“, broj:8/7, 3/8 i 6/8), na prijedlog Općinskog štaba civilne zaštite, Općinski načelnik donosi

ODLUKU **o proglašenju stanja prirodne nesreće** **„poplava“**

Član 1.

Usljed pojave poplave koja ugrožava stambene i druge objekte na području općine Maglaj, proglašava se stanje prirodne nesreće „poplava“, dana 14.05.2014. godine u 18⁰⁰ sati.

Član 2.

Zadužuje se Općinski štab civilne zaštite Maglaj da utvrdi potrebnu snagu i sredstva koja će se angažirati na ublažavanju i otklanjanju štetnih posljedica prirodne nesreće „poplava“, po ljude i materijalna dobra.

Član 3.

Angažiranje potrebnih snaga i sredstava izvršit će Općinski štab civilne zaštite u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća.

Član 4.

Ova Odluka stupa na snagu danom donošenja i ima se objaviti u Službenim novinama općine Maglaj.

Broj: 01-49- 929 /14

Datum: 15.05.2014. godine

OPĆINSKI NAČELNIK
Mehmed Mustabašić, prof.

Temeljem člana 29. i 106. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj: 39/03, 22/06 i 43/10), pravilnika o načinu rada i funkcioniranju štabova i povjerenika civilne zaštite („Službene novine F BiH“, broj: 77/06 i 5/07), člana 4. Odluke Općinskog vijeća o osnivanju Općinskog štaba civilne zaštite Maglaj („Službene novine općine Maglaj“, broj: 2/04) i člana 41. Statuta općine Maglaj /“Službene novine općine Maglaj“, broj:08/07), Općinski načelnik d o n o s i

RJEŠENJE **o izmjenama i dopunama Rješenja o** **imanovanju** **članova Općinskog štaba civilne zaštite**

U Rješenju o postavljanju komadanta, načelnika i članova Općinskog štaba civilne zaštite Maglaj, mijenjaju se sljedeći članovi:

1. Tarik Islamović - član

Imenuju se sljedeći članovi Općinskog štaba civilne zaštite:

1. Emira Drnda-Čičeklić - član štaba za prvu medicinsku pomoć i zaštitu od RHB sredstava

Članovi štaba koji su prije imenovani i dalje ostaju i to:

1. Mehmed Mustabašić - komadant Op.ŠCZ,
2. Anto Maglica - načelnik Op.ŠCZ,
3. Jasmin Devedžić - član štaba za sklanjanje ljudi i materijalnih dobara i informiranje,
4. Fuad Hajrulahović - član štaba za zaštitu i spašavanje od ruševina i zaštitu okoliša,
5. Senada Alibajraktarević - član štaba za zamračivanje, evakuaciju i logistiku,
6. Azra Čakrama - član štaba za zbrinjavanje ugroženih i nastradalih,
7. Mehmed Smajlagić - član štaba za zaštitu od požara, zaštitu i spašavanje na vodi i pod vodom,
8. Nijaz Delić - član štaba za zaštitu i spašavanje od NUS-a,
9. Amira Zukić - član štaba za asanaciju terena, zaštitu i spašavanje životinja i namirnica životinjskog porijekla i zaštitu i spašavanje biljnih proizvoda i
10. Mirsad Mehinagić - član štaba za osiguravanje i dostavu hrane, vode za piće i osiguravanje krvi i krvne plazme.

Ovo Rješenje stupa na snagu s danom donošenja, a objavit će se u Službenim novinama općine Maglaj.

Broj: 01-49- 930-1 /14
Maglaj, 16..05.2014. godine.

OPĆINSKI NAČELNIK
Mehmed Mustabašić, prof.

Na osnovu člana 29., stav 1. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj 39/03, 22/06 i 43/10) i člana 42. Statuta Općine Maglaj (Službene novine Općine Maglaj“, broj:8/7, 3/8 i 6/8), na prijedlog Općinskog štaba civilne zaštite, Općinski načelnik donosi

ODLUKU
o proglašenju stanja prirodne nesreće „klizišta“

Član 1.

Usljed pojave klizišta koja ugrožavaju stambene i druge objekte na području općine Maglaj, proglašava se stanje prirodne nesreće „klizišta“, dana 17.05.2014. godine u 19⁰⁰ sati.

Član 2.

Zadužuje se Općinski štab civilne zaštite Maglaj da utvrdi potrebnu snagu i sredstva koja će se angažirati na ublažavanju i otklanjanju štetnih posljedica prirodne nesreće „klizišta“, po ljude i materijalna dobra.

Član 3.

Angažiranje potrebnih snaga i sredstava izvršit će Općinski štab civilne zaštite u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća.

Član 4.

Ova Odluka stupa na snagu danom donošenja i ima se objaviti u Službenim novinama Općine Maglaj.

Broj: 01-49- 947 /14
Datum: 17.05.2014. godine

OPĆINSKI NAČELNIK
Mehmed Musatabašić, prof.

Na osnovu člana 29., tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj:39/03, 22/06 i 43/10) i člana 42. Statuta općine Maglaj („Službene novine općine Maglaj“, broj8/07, 3/08 i 6/08), na prijedlog Općinskog štaba civilne zaštite općine Maglaj, Općinski načelnik donosi

ODLUKU
o prestanku važenja proglašenja stanja prirodne nesreće „poplave“ na teritoriji općine Maglaj

Član 1.

Proglašava se da na području općine Maglaj prestaje važnost Odluke o proglašenju stanja prirodne nesreće „poplave“, broj:01-49-929/14, od 15.05.2014. godine.

Član 2.

Ova Odluka stupa na snagu danom donošenja i bit će objavljena u „Službenim novinama općine Maglaj“.

Broj: 01-49- 972/14
Datum: 30.05.2014. godine

OPĆINSKI NAČELNIK
Mehmed Mustabašić, prof.

Na osnovu člana 29., tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj:39/03, 22/06 i 43/10) i člana 42. Statuta općine Maglaj („Službene novine općine Maglaj“, broj8/07, 3/08 i 6/08), na prijedlog Općinskog štaba civilne zaštite općine Maglaj, Općinski načelnik donosi

ODLUKU
o poništenju Odluke o prestanku važenja proglašenja stanja prirodne nesreće „poplave“ na teritoriji općine Maglaj

Član 1.

Proglašava se da na području općine Maglaj prestaje važnost Odluke o prestanku proglašenju stanja prirodne nesreće „poplave“, broj:01-49-972/14, od 30.05.2014. godine.

Član 2.

Ostaje važiti Odluka o proglašenju stanja prirodne nesreće „poplave“ broj:01-49-929/14, od 14.05.2014. godine.

Član 3.

Ova Odluka stupa na snagu danom donošenja i ima se objaviti u «Službenim novinama Općine Maglaj».

Broj: 01-49- 985/14

Datum: 30.05.2014. godine

OPĆINSKI NAČELNIK
Mehmed Mustabašić, prof.

Općinski načelnik na temelju zaključka Općinskog vijeća Maglaj od 3.06.2014.godine i Odluke o proglašenju stanja prirodne nesreće poplave broj: 01-49-929/14 od 15.05.2014.godine, donosi

N A R E D B U

I

Naređuje se svim kućnim savjetima, svim vlasnicima stambenih i poslovnih objekata i drugim, da zaključko sa nedjeljom 8.06.2014. godine očiste i iznesu sav kabasti otpad radi odvoza istog prema deponiji otpada.

II

Za sve koji ne postupe po ovoj naredbi nadležna inspekcija će rješenjem poduzeti prekršajne i druge mjere.

III

Ova Naredba stupa na snagu danom donošenja i ima se objaviti u «Službenim novinama Općine Maglaj».

Broj: 01-49-1004/14

Maglaj, 03.06.2014.godine

OPĆINSKI NAČELNIK,
Mehmed Mustabašić, prof.

Na osnovu člana 5. Zakona o zaštiti stanovništva od zaraznih bolesti („Službene novine Federacije BiH”, Broj:29/05), Zaključka Vlade Zeničko-dobojskog kantona o davanju saglasnosti za provođenje protivepidemijske interventne sistematske dezinfekcije, dezinskcije i deratizacije na području Zeničko-dobojskog kantona broj: 02-37-10713/14 od 22.05.2014.godine i člana 41. Statuta Općine Maglaj (“Službene novine Općine Maglaj”, broj:8/07, 3/08 i 6/08), Općinski načelnik d o n o s i

N A R E D B U

o provođenju protivepidemijske interventne sistematske dezinfekcije, dezinskcije i deratizacije na području općine Maglaj – 2014. godine

I

NAREĐUJE SE provođenje protivepidemijske interventne sistematske dezinfekcije, dezinskcije i deratizacije na području općine Maglaj u periodu od 16.06. – 19.06.2014.godine.

II

Protivepidemijskom interventnom sistematskom dezinfekcijom, dezinskcijom i deratizacijom će biti obuhvaćeni objekti i površine kojima upravlja Općina Maglaj, kao objekti i površine na području općine Maglaj kojima upravljaju pravna i fizička lica i to:

- a) Javne i zelene površine u pojasu naselja sa koncentrisanim stanovništvom,
- b) Obale površinskih vodotoka u gradskim i prigradskim zonama,
- c) Nezvanična (neorganizovana) smetlišta u gradskim i prigradskim naseljima,
- d) Vaspitno-obrazovni i kulturni objekti i njihovi prostori,
- e) Kolektivni centri za smještaj i boravak,
- f) Objekti javnih zdravstvenih ustanova,
- g) Javne ustanove administrativnog karaktera,
- h) Individulane stambene zgrade u privatnom vlasništvu u užim zonama gradskih naselja,
- i) Vjerski objekti i groblja,
- j) Javni vodoopskrbni objekti,
- k) Zvanične deponije,

- l) Kanalizacione mreže sa šahtovima i izlivnim kolektorima,
- m) Objekti i površine javnih preduzeća i organizacija i svih fizičkih lica, pravnih i ostalih lica uključujući sve uslužne djelatnosti,
- n) Stacionirani objekti i sredstva javnog saobraćaja,
- o) Objekti za proizvodnju i promet živežnih namirnica i predmeta opće upotrebe (korisnici i vlasnici istih),
- p) Objekti za pružanje usluga javne higijene,
- q) Zajednički prostori stambenih zgrada (podrumi i tavani),
- r) Rizična područja zahvaćena poplavom.

VI

Ova Naredba stupa na snagu danom donošenja i objavit će se u "Službenim novinama Općine Maglaj" i putem sredstava informisanja.

Broj: 01-37-1-1038 /14
Maglaj: 10.06.2014.godine

OPĆINSKI NAČELNIK
Mehmed Mustabašić, prof.

Troškove protivepidemijske interventne sistematske dezinfekcije, dezinfekcije i deratizacije pod rednim brojem: 1. do 18. snosiće Vlada Zeničko-dobojskog kantona i Općina Maglaj iz svojih budžeta.

III

Protivepidemijsku interventnu sistematsku dezinfekciju, dezinfekciju i deratizaciju organizovat će i sprovesti Zavod za javno zdravstvo Zeničko-dobojskog kantona.

IV

Subjekti koji podliježu provođenju protivepidemijske interventne sistematske dezinfekcije, dezinfekcije i deratizacije su dužni obezbijediti nesmetan rad izvođačima. U protivnom će biti sankcionisani prema važećim propisima.

V

Stručni nadzor nad provođenjem akcije protivepidemijske interventne sistematske dezinfekcije, dezinfekcije i deratizacije vršit će Općina Maglaj putem HES službe JU Dom zdravlja Maglaj.

Kontrolu izvođenja akcije protivepidemijske interventne sistematske dezinfekcije, dezinfekcije i deratizacije provodit će općinski sanitarno-komunalno-vodoprivredni inspektor Merima Mahmutović.

Provođenje akcije DDD nadzirat će kantonalni sanitarni inspektor Zeničko-dobojskog kantona i predstavnici Zavoda za javno zdravstvo Ze- Do kantona Zenica.

SADRŽAJ

AKTI OPĆINSKOG NAČELNIKA

1.	ODLUKU o proglašenju stanja prirodne nesreće „poplava“	169
2.	RJEŠENJE o izmjenama i dopunama Rješenja o imanovanju članova Općinskog štaba civilne zaštite	169
4.	ODLUKA o proglašenju stanja prirodne nesreće „klizišta“	170
4.	ODLUKA o prestanku važenja proglašenja stanja prirodne nesreće „poplave“ na teritoriji općine Maglaj	170
5.	ODLUKA o poništenju Odluke o prestanku važenja proglašenja stanja prirodne nesreće „poplave“ na teritoriji općine Maglaj	170
6.	NAREDBA	171
7.	NAREDBA o provođenju protivepidemijske interventne sistematske dezinfekcije, dezinsekcije i deratizacije na području općine Maglaj – 2014. godine	171